



Shu aziz VATAN — barchamizniki!

ЎЗБЕКИСТОН ОВОЗИ

2012-yil, 30-oktabr. Seshanba 130 (31.562) Ijtimoiy-siyosiy gazeta 1918-yil 21-iyundan chiqa boshlagan www.uzbekistonovozi.uz

ЎзХДП «Фаол аёллар» қаноти

ОИЛА МУСТАҲКАМЛИГИ

аёлнинг жамиятдаги ўрни, билими ва ижтимоий фаоллигига боғлиқ



ЎзХДП МАРКАЗИЙ КЕНГАШИ «ФАОЛ АЁЛЛАР» ҚАНОТИ ВА ШАЙХОНТОҲУР ТУМАН ПАРТИЯ КЕНГАШИ ҲАМКОРЛИГИДА ШУ МАВЗУДА АМАЛИЙ СЕМИНАР ТАШКИЛ ЭТИЛДИ. УНДА ПАРТИЯ МАРКАЗИЙ КЕНГАШИ МАСЪУЛ ХОДИМЛАРИ, ОЛИЙ МАЖЛИС ҚОНУНЧИЛИК ПАЛАТАСИ ДЕПУТАТЛАРИ, ХАЛҚ ДЕПУТАТЛАРИ ТОШКЕНТ ШАҲАР КЕНГАШИДАГИ ЎзХДП ДЕПУТАТЛИК ГУРУҲИ АЪЗОЛАРИ, СОҒЛИҚНИ САҚЛАШ БОШҚАРМАСИ, «МАҲАЛЛА» ХАЙРИЯ ЖАМОАТ ФОНДИ ҲАМДА ЭЛЕКТОРАТ ВАКИЛЛАРИ ИШТИРОК ЭТДИ.

(Давоми 2-бетда.)

Депутатлик гуруҳлари —
электорат манфаати ҳимоячиси

ҲАРАКАТ ДАСТУРИ ИЖРОСИ

ҳудудлар тараққиёти,
электорат манфаати
ҳимоясига хизмат қилади

Йўл қўйилаётган хато ва камчиликларни бартараф этишга қаратилган таклиф тайёрланиб, халқ депутатлари Булунғур туман Кенгашидаги ЎзХДП депутатлик гуруҳи ташаббуси билан масала туман Кенгашининг сентябрь ойида бўлиб ўтган сессияси муҳокамасига киритилди. Сессияда ҳудудий дастурлар ижросини таъминлаш бўйича олиб борилаётган ишлар, мавжуд муаммолар чуқур таҳлил қилинган, туман Кенгаши тегишли қарор қабул қилди.

→ 2

ИЖТИМОИЙ ШЕРИКЛИКНИНГ ҲУҚУҚИЙ АСОСЛАРИ

ПРЕЗИДЕНТИМИЗ ИСЛОМ КАРИМОВ ТОМОНИДАН ТАҚДИМ ЭТИЛГАН МАМЛАКАТИМИЗДА ДЕМОКРАТИК ИСЛОҲОТЛАРНИ ЯНАДА ЧУҚУРЛАШТИРИШ ВА ФУҚАРОЛИК ЖАМИЯТИНИ РИВОЖЛАНТИРИШ КОНЦЕПЦИЯСИДА БЕЛГИЛАБ БЕРИЛГАН МУҲИМ ЙўНАЛИШЛАР АСОСИДА «ИЖТИМОИЙ ШЕРИКЛИК Тўғрисида»ГИ ҚОНУН ЛОЙИҲАСИ ИШЛАБ ЧИҚИЛДИ.

Тошкент давлат юридик институтида мазкур янги қонун лойиҳасини такомиллаштиришга бағишланган илмий-амалий семинар бўлиб ўтди. «Ижтимоий шериклик тўғрисида»ги қонун лойиҳасини ишлаб чиқиш бўйича эксперт гуруҳи билан ҳамкорликда ўтказилган тадбирда олимлар, тегишли вазирлик ва идоралар, нодавлат нотижорат ташкилотлари вакиллари иштирок этди.

Тошкент давлат юридик институти ректори О.Мухаммадҷонов ва бошқалар мамлакатимизда фуқаролик институтлари, нодавлат нотижорат ташкилотлари фаолияти ривожлангани сари уларнинг инсон ҳуқуқ ва эркинликлари ҳамда қонуний манфаатларини ҳимоя қилишдаги аҳамияти ошиб бораётганини таъкидлади.

Бугунги кунда жамоатчилик ва фуқаролик назорати институти жамиятнинг давлат билан ўзаро самарали алоқасини таъминлаш, давлат ва ҳокимият ту-

зилмалари фаолияти устидан таъсирчан жамоатчилик назоратини амалга ошириш, одамларнинг кайфиятини, мамлакатда кечаётган ўзгаришларга муносабатини аниқлашнинг муҳим воситаларидан бирига айланаётди.

«Ижтимоий шериклик тўғрисида»ги қонуннинг қабул қилиниши айнан шу жараённинг ҳуқуқий асосини мустаҳкамлаш, ислоҳотларнинг очик-ошкоралиги ва самарадорлигини таъминлашга хизмат қилади. Шу боис қонун лойиҳасининг ҳар томонлама пишиқ-пухталиги ва халқаро андозаларга мослигини таъминлаш борасида эксперт гуруҳи томонидан тизимли ишлар олиб борилмоқда.

Семинарда қонун лойиҳасини янада такомиллаштириш юзасидан таклиф ва фикр-мулоҳазалар билдирилди.

Н.АБДУРАИМОВА,
ЎзА мухбири.

САНОАТ КООПЕРАЦИЯСИНING ЯНГИ ИМКОНИЯТЛАРИ

Тошкентда Президентимиз
Ислом Каримов ташаббуси билан
ўтказилган VI Халқаро саноат
ярмаркаси ва Кооперацион
биржа ниҳоясига етди.



УШБУ САНОАТЧИЛАР ФОРУМИ ИҚТИСОДИЁТИМИЗ РЕАЛ СЕКТОРИ КОРХОНАЛАРИГА ЗАРУР ХОМАШЁ ВА КРЕДИТ РЕСУРСЛАРИДАН ЭРКИН ФОЙДАЛАНИШ, ИЧКИ ТАРМОҚ ВА ТАРМОҚЛАРАРО КООПЕРАЦИЯ АСОСИДА УЗОҚ МУДДАТЛИ ХўЖАЛИК МУНОСАБАТЛАРИНИ ШАКЛЛАНТИРИШ ҲАМДА КЕНГАЙТИРИШ УЧУН БОЗОР ИНФРАТУЗИЛ-МАСИНИ ТАШКИЛ ЭТИШГА КўМАКЛАШИШГА ҚАРАТИЛГАН.



Ярмарка ва биржада мамлакатимиз саноати етакчи тармоқларининг улкан салоҳияти ва имкониятлари, ишлаб чиқариш янгиликлари ҳамда маҳсулотлар намойиши этилди. Ўзбекистон саноатининг етакчи тармоқлари, корхоналар ўз маҳсулотларини ишлаб чиқариш секторлари бўйича тақдим этди. Машинасозлик, автомобилсозлик, электртехника, қурилиш саноати, металлургия, кимё, нефть-кимё, озик-овқат ва энгил саноат, фармацевтика ҳамда бошқа саноат тармоқлари соҳалари кенг миқёсда намойиш этилди.

Давлатимиз раҳбарининг 2010 йил 15 декабрда қабул қилинган «2011-2015 йилларда Ўзбекистон Республикаси саноатини ривожлантиришнинг устувор йўналишлари тўғрисида»ги қароридан халқаро кооперациони ривожлантириш зарурлиги қайд этилган. Олтинчи марта ўтказилган Халқаро саноат ярмаркаси ва Кооперацион биржада Германия, Италия, Дания, Буюк Британия, Украина, Латвия, Жанубий Корея, Хитой, Польша, Россия, Туркия каби давлатлардан хорижий фирма ҳамда компанияларнинг қарийб 1200 нафар вакили қатнашди. Улар мамлакатимизнинг 1100 дан ортиқ корхона ва компаниялари томонидан павильон ҳамда стендларда бўлажак харидорларга таклиф этилган хилма-хил маҳсулот ва хизматлар билан танишди.

Форум доирасида бўлиб ўтган корхона ва тармоқларнинг тақдимот маросимларида уларнинг техник ҳамда технологик имкониятлари тақдим этилди. Шунингдек, ҳар бир вилоят тақдимоти иштирокчиларга ишлаб чиқарувчилар ва истеъмолчилар ўртасидаги мавжуд муносабатларни янада кенгайтириш ҳамда янгиликларини ўрнатиш учун шарт-шароит яратди. Ишлаб чиқариш-техник йўналишдаги тайёр маҳсулот-

лар, бутловчи буюмлар ва ускуналарни етказиб бериш ва сотиб олиш бўйича шартномалар тузилди. Айни пайтда мамлакатимизнинг барча истеъмолчилари буюмлар, қайта ишланган хомашё ва материалларни қўшимча тендерлар ўтказмасдан, тўғридан-тўғри шартномалар асосида сотиб олиш имконига эга бўлди.


Саноат ярмаркаси ва Кооперацион биржа икки босқичда ташкил этилди: биринчи босқичда ҳудудий кўرғазма ҳамда тармоқ ярмаркалари бўлиб ўтган бўлса, иккинчи босқичда Халқаро саноат ярмаркаси ва Кооперацион биржа ўтказилди. Амалиёт ушбу тадбирларга бўлган қизиқиш тобора ортиб бораётганини кўрсатмоқда. 2011 йилда уларда 1030 хўжалик субъекти қатнашган бўлса, бу йил иштирокчилар сони 1146 тага етди. Ўтган йили тузилган шартномалар ҳажми 3,5 триллион сўмни ташкил қилди. Дастлабки маълумотларга қараганда, бу галги ярмарка якуни бўйича умумий қиймати қарийб 5 триллион сўмлик шартномалар имзоланган.

Бундан ташқари, хорижий валютада ҳам шартномалар тузилди. Негаки, ярмарка ва биржада хорижий фирма ҳамда компаниялар вакиллари фаол иштирок этиб, мамлакатимизда ишлаб чиқарилаётган маҳсулотларни хорижга етказиб бериш бўйича тегишли шартномалар тузди. Дастлабки ҳисоб-китобларга кўра, қиймати 5 миллиард АҚШ долларига тенг шартномалар тузилган. Ўтган йили бу кўрсаткич 3,9 миллиард долларни ташкил қилган эди.

Бундай кўп томонлама ўзаро манфаатли ҳамкорлик мамлакатимиз иқтисодийтини янада ривожлантиришга хизмат қилиши, шубҳасиз.

Виктор НИКОЛАЕВ,
ЎзА мухбири.

ОБУНА — 2013



НАШР КўРСАТКИЧИ — 220

— БИРИНЧИ БўЛИБ
МЕН ўқийман.
— ИККИНЧИ БўЛИБ ўқийман
НАВБАТИ МЕНИКИ!
— йўқ, меники..
— БОЛАЛАР, ЯХШИСИ,
ИНОҚ БўЛИБ, БИРГАЛИКДА
ўқийлик ВА КЕЛГУСИ йил
УЧУН ҲАМ БИРГАЛИКДА
ОБУНА БўЛАЙЛИК!

ЎЗБЕКИСТОН РЕСПУБЛИКАСИ МАРКАЗИЙ БАНКИНИНГ 2012 ЙИЛ 30 ОКТАБРДАН БОШЛАБ ХОРИЖИЙ ВАЛЮТАЛАРНИНГ СўМГА НИСБАТАН БЕЛГИЛАГАН ҚИЙМАТИ

1 Евро	2548,21	1 Дания кронаси	339,08	1 Хитой юани	313,59	1 Туркия лираси	1086,78
1 АҚШ доллари	1956,21	1 БАА дирҳами	532,62	1 Украина гривнаси	244,74	1 Швейцария франки	2091,53
1 Россия рубли	62,15	1 Миср фунти	320,69	1 Малайзия ринггити	641,17	10 Жанубий Корея вони	17,85
1 Австралия доллари	2026,83	1 Исландия кронаси	15,38	1 Польша злотийси	610,59	10 Япония иенаси	245,39
1 Англия фунт стерлинги	3145,59	1 Канада доллари	1959,54	1 СДР	3004,39		

* Валюта қийматини белгилаш чоғида Ўзбекистон Республикаси Марказий банки мазкур валюталарни ушбу қийматда сотиш ёки сотиб олиш мажбуриятини олмаган.

ТИББИЁТ:

● СОҲАДАГИ
ИСЛОҲОТЛАР

3-бет

